

Leute von allen neuen Zöllen; sichert ihnen zu, dass sie ihre Reichslehen ohne Mittelsperson besitzen sollen.

1184 October 9, Pavia.

In nomine sancte et individue trinitatis. Fredericus divina favente clementia [Romanorum] imperator augustus.

Familiare habet et gloriosum putat benignitas imperialis, ut de se benemeritorum utilitati simul et honori prospiciat ipsosque dignis liberalitatis beneficiis in obsequiorum et fidei perseverancia teneat obligatos, alios^a etiam exemplo ad obsequendum invitet^b. Nichil enim, quod corda fidelium tanto sibi favore astringat, quam prone liberalitatis animus concedens rationabiliter postulata. Nos igitur memores servitorum, que fidelis noster Bertrandus de Baucio et fratres sui nobis et imperio studiosa devotione exhibuerunt, filiis dicti Bertrandi, Guillelmo, Bertrando et Hugoni liberaliter concessimus, ut in civitate Aurasica monetam cudi faciant et omnem exinde proventum ipsi percipiant. Item vexilliferatum ab Alpibus usque ad Rodanum et ab Ysera usque ad mare, ab antecessore nostro commendande memorie rege Corrado avo ipsorum collatum¹, predictis fratribus concedimus et confirmamus, ita sane, ut hec nostra concessio preiudicium non pariat ei, si quis forte in ipso beneficio ius habuerit. Item ratam habemus et haberi volumus donationem, quam Geraldus Ademari de terra sua ipsis fratribus fecit. Villam quoque Novam ad preces eorum donamus ea immunitate, quam habere consuevit, scilicet ut habitantes in ea vel habitaturi physcum dare non cogantur aut pulmentationem, salvo tamen iure imperiali. Indulximus eis nichilominus, ut ab hominibus terre sue nova pedagia nec in terra nec in aqua exigantur, sed ea dumtaxat pedagia persolvant, que ex antiquo sunt vel imperiali auctoritate concessa. Ad hec ipsos ad^c hoc privilegiatos esse decernimus, ut beneficia, que ab imperio tenent, a nobis et successoribus nostris ipsi et eorum successores nulla mediante persona iure perpetuo debeant obtinere. Sancimus itaque et imperiali auctoritate precipimus, quatenus hec nostre concessionis beneficia nemo temere audeat corrumpere vel quolibet fraudis ingenio devocare in irritum. Quod si quis ausu temeritatis attemptaverit, quinquaginta libras auri pro pena componat, dimidium physco imperiali, dimidium iniuriam passis. Ut autem

a) *aliis*. b) *immutet*. c) *ut*.

1) Davon ist in Konrads Urkunde bei Stumpf, Acta 471 n. 382 nicht die Rede.